



Broj: JN-OP-877-23 /2025

Datum: 08-05-2026

PREDMET: Pojašnjenje tenderske dokumentacije

U sjedištu Ugovornog organa dana 06.05.2026. godine, pod brojem protokola JN-OP-877-22/2025, zaprimljen je Zahtjev za pojašnjenje tenderske dokumentacije, broj: JN-OP-877-6/2025 u postupku javne nabavke Nabavka rekonstrukcije TS 110/x kV Jajce 1, dostavljen od strane privrednog subjekta Energoinvest d.d. Sarajevo, u kome se traže sljedeća pojašnjenja:

1. U tehničkom opisu komandno-pogonske zgrade navedeno je da se:

- za komandni dio objekta predviđa plafon od protivpožarnih gips-kartonskih ploča na metalnoj potkonstrukciji,
- a za pogonski dio dvovodni krov sa konstrukcijom od čeličnih rešetkastih nosača i pokrivačem od sendvič panela.

Međutim, iz tenderske dokumentacije nije dovoljno jasno definisano da li se kod komandnog i pogonskog dijela objekta predviđa izvođenje armirano-betonske stropne/plafonske ploče ispod krovne konstrukcije, ili se izvodi isključivo spuštenu plafon odnosno direktno zatvaranje prostora ispod krovne konstrukcije.

Molimo za pojašnjenje predmetnog rješenja kako bi se pravilno definisao obim armirano-betonskih i krovopokrivačkih radova u ponudi, te izbjegli eventualni naknadni radovi koji nisu obuhvaćeni ponudom.

2. U tekstualnom dijelu tenderske dokumentacije za pogonski dio komandno-pogonske zgrade navedeno je da je bruto površina objekta cca 150 m².

Međutim, analizom priloženog grafičkog priloga/skice objekta, uočava se da su prikazane dimenzije pogonskog dijela objekta 21,0×9,3 m, što daje bruto površinu od cca 195 m² po etaži.

Molimo za potvrdu tačnih dimenzija i bruto površine pogonskog dijela objekta koje treba uzeti za izradu ponude i predmjera radova, kako bi se pravilno definisao obim građevinskih, armirano-betonskih, krovnih i završnih radova, te izbjegla odstupanja i eventualni naknadni radovi koji nisu obuhvaćeni ponudom.

3. U tehničkom opisu komandno-pogonske zgrade navedeno je izvođenje termoizolacione fasade minimalne debljine 10 cm, međutim u tenderskoj dokumentaciji nije precizirano da li je predviđena ugradnja termoizolacionih ploča od ekspaniranog polistirena (EPS/stiropor) ili kamene vune.

Molimo za pojašnjenje vrste termoizolacionog materijala koji je potrebno predvidjeti u ponudi, kako bi se pravilno definisali tehnički zahtjevi, protivpožarne karakteristike sistema i obim radova, te izbjegla eventualna odstupanja i naknadni radovi koji nisu obuhvaćeni ponudom.

Ugovorni organ u zakonski ostavljenom roku, shodno članu 56. stav (2) Zakona o javnim nabavkama ("Službeni glasnik Bosne i Hercegovine", br. 39/14, 59/22 i 50/24) daje odgovore sa pojašnjenjima kako slijedi:

1. Međuspratnu konstrukciju u komandnoj zgradi predvidjeti armirano – betonsku.
Pogonska zgrada ima dvije etaže, jedna etaža je kablovski prostor i iznad njega predvidjeti armirano-betonsku međuspratnu konstrukciju, a iznad pogonskog prostora (prostor gdje su smještene ćelije) predvidjeti čeličnu krovnu konstrukciju.
Oba objekta (komanda i pogonska zgrada) se pokrivaju termoizolovanim sendvič panelom debljine po proračunu. Na oba objekta predvidjeti ugradnju spušenog stropa rastera 60/60 cm.
Tenderskom dokumentacijom JN-OP-877-6/2025 Nabavka rekonstrukcije TS Jajce 1, Prilog 3 – Obrazac za cijenu ponude, Tabela 2. Projektovanje, predviđena je izrada: Idejnog projekta, Glavnog projekta, Izvedbenog projekta i Projekta izvedenog stanja TS Jajce 1. Shodno navedenom zaključuje se da će obim armirano-betonskih i krovopokrivačkih radova i materijala na objektu komandno-pogonske zgrade, biti precizno definisan kroz Glavni projekat čija je izrada predmet ove javne nabavke.
2. U dijelu Tehnički opis radova za rekonstrukciju TS 110/x kV Jajce 1 (za orijentaciju), Komandno-pogonska zgrada, Pogonska zgrada, na strani 79. predmetne tenderske dokumentacije, navedena je okvirna vrijednost bruto površine cca 150 m². Napominje se da površina pogonske zgrade zavisi od dimenzija i rasporeda ćelija srednjeg napona, koje će biti smještene u pogonskoj zgradi i čija nabavka je takođe predmet ove tenderske dokumentacije. Tenderskom dokumentacijom JN-OP-877-6/2025 Nabavka rekonstrukcije TS Jajce 1, Prilog 3 – Obrazac za cijenu ponude, Tabela 2. Projektovanje, predviđena je izrada: Idejnog projekta, Glavnog projekta, Izvedbenog projekta i Projekta izvedenog stanja TS Jajce 1. Shodno navedenom zaključuje se da će tačna vrijednost površine pogonske zgrade, uz uvažavanje dimenzija i rasporeda ćelija srednjeg napona, biti definisana kroz Glavni projekat čija je izrada predmet ove javne nabavke.
3. U dijelu Tehnički opis radova za rekonstrukciju TS 110/x kV Jajce 1 (za orijentaciju), Komandno-pogonska zgrada, Pogonska zgrada, na strani 80. predmetne tenderske dokumentacije, navedeno je da će debljina termoizolirajućeg sloja biti određena prema termičkom proračunu, a minimalno 10 cm. Tenderskom dokumentacijom JN-OP-877-6/2025 Nabavka rekonstrukcije TS Jajce 1, Prilog 3 – Obrazac za cijenu ponude, Tabela 2. Projektovanje, predviđena je izrada: Idejnog projekta, Glavnog projekta, Izvedbenog projekta i Projekta izvedenog stanja TS Jajce 1. Shodno navedenom zaključuje se da će vrsta termoizolacionog materijala, uz uvažavanje termičkog proračuna i protivpožarnih zahtjeva, biti definisana kroz Glavni projekat čija je izrada predmet ove javne nabavke.

S poštovanjem,

Predsjednik Komisije za
JN-OP-877/2025

